

Miljö - Noh Huss

Musik: Nils Schreiber & Mike Kremer

Text: Nils Schreiber

© 2021 Edition Miljö (Universal Music Publishing Group)

Ich wör jähn 'ne Seemann, dä janze Daach an Deck,
wie 'ne Künning zwesche Bug un Heck
Ich dät Sejel setze un löss alles zoröck,
wenn do met mir küss

Mir fahre me'm Böötche an't Engk vum Horizont
Wullt immer schon wisse, wä do wonnt
Han Südwind em Rügge, dä Kompass en der Bruss -
Volle Fahrt vöruss

Un wenn de Sunn deef am Himmel steiht,
wisse mer et jeiht

Noh Huss, noh Huss,
noh'm Leuchtturm met zwei Spetze hin
Noh Huss, noh Huss,
wo die sibbe Bröcke sin

Lalalei...

Durchquere de Meere, mer reise öm de Welt
Naaks schingk för uns dat Stäänezelt
Un wenn mer jenoch han, trecke mer dohin,
wo mer herjekumme sin,
wo mer herjekumme sin

Noh Huss...

*Wohin uns die Welle drage:
Nord, Süd, Oss un Wess
Drissejal, weil mer nie verjiss,
wo dä Heimathafe es*